

Na temelju članka 56. Zakona o organizaciji organa uprave u Federaciji Bosne i Hercegovine („Službene novine Federacije BiH”, broj: 35/05), sukladno Odluci o usvajanju Programa utroška sredstava s kriterijima raspodjele sredstava tekućih transfera utvrđenih Proračunom Federacije Bosne i Hercegovine za 2026. godinu Federalnom ministarstvu kulture i sporta - Federalnom ministarstvu kulture i sporta („Službene novine Federacije BiH”, broj: 26/26), federalna ministrica kulture i sporta objavljuje

## **JAVNI POZIV**

### **za odabir projekata koji će se sufinancirati iz Proračuna Federacije Bosne i Hercegovine u 2026. godini**

Sredstva za sufinanciranje projekata dodjeljivat će se sukladno Odlukom o usvajanju Programa utroška sredstava s kriterijima raspodjele sredstava tekućeg transfera utvrđenog Proračunom Federacije Bosne i Hercegovine za 2026. godinu Federalnom ministarstvu kulture i sporta - Federalnom ministarstvu kulture i sporta.

## **TEKUĆI TRANSFER POJEDINCIMA**

### **I. Odabir projekata vršit će se za sljedeće namjene:**

#### **PROGRAM: „Sufinanciranje mobilnosti umjetnika”**

Ukupan iznos raspoloživih sredstava: 100.000,00 KM.

Sredstva će se dodjeljivati po zahtjevu aplikanta a najviše u iznosu do 10.000,00 KM.

Sredstva će se dodjeljivati fizičkim osobama za realizaciju projekata isključivo za troškove smještaja, kotizacije i prijevoza.

### **II. Cilj Javnog poziva**

Cilj Javnog poziva je **pružiti finansijsku potporu umjetnicima i umjetnicama – fizičkim osobama**, u svrhu **sufinanciranja aktivnosti mobilnosti** koje doprinose razvoju njihove profesionalne karijere, jačanju umjetničke prakse i stjecanju međunarodnog iskustva.

Poseban fokus stavljen je na:

- mlade umjetnike/ce u početnoj fazi profesionalnog djelovanja,
- aktivnosti koje omogućuju međukulturnu razmjenu te stjecanje novih znanja, vještina i kompetencija,
- uspostavljanje i razvijanje regionalne i međunarodne suradnje,
- javnu prezentaciju umjetničkog rada na domaćoj i inostranoj sceni, • afirmaciju kulture kao sredstva društvene kohezije, dijaloga i uključenosti.

### III. Pravo podnošenja zahtjeva

Potporu mogu ostvariti punoljetni umjetnici, državljani Bosne i Hercegovine s prebivalištem u Federaciji Bosne i Hercegovine. **Jedan umjetnik/ca može aplicirati maksimalno dva puta na ovaj Javni poziv.**

Potpora će biti dodijeljena za projekte mobilnosti umjetnika kroz sljedeće oblasti:

- likovna umjetnost (arhitektura, skulptura, slikarstvo, primijenjene umjetnosti),
- književnost,
- glazba,
- kazališna i scenska umjetnost,
- ples,
- strip,
- fotografija,
- film,
- dizajn,
- arhitektura.

Financirat će se **isključivo projekti koji započinju i završavaju u 2026. godini.** Na ovaj Javni poziv nemaju pravo aplicirati korisnici sredstava Federalnog ministarstva kulture i športa, koji nisu u cijelosti ili djelomično namjenski utrošili i opravdali dobivena sredstva u skladno roku naznačenom u Ugovoru.

### IV. Opći i posebni kriteriji za raspodjelu sredstava programa:

#### **Opći kriteriji:**

1. Pozivno pismo na ime osobe koja aplicira za sredstva
2. Uključenost u umjetnički sektor;
3. Geografska mobilnost;
4. Kreativna i inovativna vrijednost;
5. Održivost umjetnikova rada i nakon mobilnosti;
6. Ravnoteža pristupa različitim vrstama umjetnosti i među različitim umjetnicima

#### **Posebni kriteriji:**

1. Kvaliteta i profesionalizam umjetnika,
2. Iskustvo umjetnika;
3. Partneri i suradnja;
4. Javna prezentacija;
5. Kultura i društveni utjecaj
6. Financijska opravdanost

## V. Dokumentacija

Obvezna dokumentacija i dokumentacija za posebne kriterije od točke 1 do točke 10 dostavlja se numerirana istim redom kako je navedeno. Numerira se svaki papir/stranica redom i mora biti **spiralno uvezana** u cjelinu.

Dokumentacija koja ne bude uvezana i numerirana na prethodno navedeni način **neće biti uzeta u razmatranje** i smatrat će se formalno-pravno neispravnom.

### Obvezna dokumentacija

1. Elektronski popunjen prijavni obrazac;
2. Biografija umjetnika/ce;
3. Uvjerenje o prebivalištu (ne starije od tri mjeseca do dana objave Javnog poziva);
4. Potvrda banke u kojoj je navedeno da račun umjetnika/ce nije blokiran, iz koje se vidi broj transakcijskog računa korisnika/ce, ne starija od tri mjeseca do dana objave Javnog poziva (original);
5. Potpisan i ovjeren predračun za troškove smještaja u hotelu prosječne kategorizacije, dokaz o obveznoj kotizaciji i izračun via Michelin za troškove puta do 500 km, odnosno predračun za ostale vrste prijevoza ekonomske klase ukoliko je udaljenost veća od 500 km);
6. Poziv organizatora, dokaz o suradnji s institucijom u kojoj će projekat biti realiziran, pismo namjere institucije za koju umjetnik/ca aplicira, potpisan sporazum o suradnji ukoliko inicijativu pokreće umjetnik/ca ili drugi dokument koji dokazuje utemeljenost i vjerodostojnost aplikacijskog zahtjeva (**eliminatorski dokument**).

### Dodatna dokumentacija

7. Dokazi o prethodnim projektima u umjetničkoj disciplini za koju se aplicira ili različitim umjetničkim disciplinama ili timovima;
8. Portfolio (fotografije, snimci, katalog radova);
9. Nagrade, priznanja, preporuke mentora ili institucija (Dokumentacija može biti na bosanskom/hrvatskom/srpskom jeziku, a ukoliko je riječ o pozivima ili ugovorima iz inostranstva – moguće je priložiti original uz vlastiti prijevod);
10. Dokazi o partnerskoj suradnji.

## **VI. Dostavljanje dokumentacije**

Svi zainteresirani aplikanti koji ispunjavaju uvjete tražene ovim Javnim pozivom svoje prijave zajedno sa zahtjevom, koji mogu preuzeti na zvaničnoj web stranici: [www.fmks.gov.ba](http://www.fmks.gov.ba), trebaju dostaviti na adresu:

***Federalno ministarstvo kulture i sporta –Federalno ministarstvo kulture i športa***

***NE OTVARATI – ZA JAVNI POZIV „Tekući transfer pojedincima”, Program:  
Sufinanciranje mobilnosti umjetnika”***

***Obala Maka Dizdara 2***

***71 000 Sarajevo***

**Na poleđini koverta obvezno je navesti naziv pošiljatelja, adresu pošiljatelja, kontakt telefon.**

Prijave se mogu predati isključivo putem pošte.

Javni poziv je otvoren tokom cijele godine, do isteka raspoloživih sredstava.

## NAPUTAK APLIKANTIMA:

- Prijavni obrazac mora biti elektronski popunjen, potpisan i ovjeren.
- Prijave koje nisu dostavljene na propisanom obrascu, netočne i nepotpune prijave i prijave koje nisu dostavljene u navedenom roku neće biti razmatrane.
- Potrebno je da aplikant dostavi spisak dokumentacije koju je dostavio uz prijavni obrazac.
- Aplikant je odgovoran za točnost podataka u prijavi na propisanom obrascu. Ukoliko aplikant pogrešno popuni prijavu ili ne dostavi sve tražene dokumente, smatrat će se formalno-pravno neispravnim.
- Aplikant je odgovoran za dostavljanje točnih podataka. Dostavljeni podaci ne mogu se mijenjati za vrijeme trajanja Javnog poziva.
- U toku realizacije projekta bilo koja promjena adrese, broja telefona, promjene kontakta, ovlaštene osobe ili broja računa kod banke, moraju biti dostavljeni u pisanoj formi ovom Ministarstvu. Federalno ministarstvo kulture i športa neće se smatrati odgovornim u slučaju da ne uspije kontaktirati aplikanta.
- Svi dokumenti moraju biti isključivo na jednom od službenih jezika u Federaciji BiH.
- Ukoliko podnositelj prijave na zatvorenoj kuverti ne upiše naziv transfera za koji aplicira, te ne navede naziv podnositelja prijave, adresu i kontakt telefon, prijava neće biti uzeta u razmatranje.
- **Dokumente je potrebno numerirati na način da se numerira svaka stranica/ papir redom i da se spiralno uveže kao cjelina.** Numeriranje se vrši redoslijedom kako je navedeno u traženoj dokumentaciji. Dokumentacija koja ne bude uvezana i numerirana na prethodno navedeni način neće biti uzeta u razmatranje i smatrat će se formalno-pravno neispravnom.
- Svi dokazi za dodatnu dokumentaciju moraju imati vidljive pečate i potpise ovlaštenih osoba (sporazumi, memorandum i saradnji, potvrde, preporuke i drugo).
- Svaki član Komisije bit će isključen iz postupka dodjele ukoliko se utvrdi da je u sukobu interesa u odnosu na podnositelja prijave, a podnositelji prijave imaju mogućnost prijaviti sumnju na postojanje sukoba interesa, o kojem će davatelj proračunskih sredstava odlučivati pojedinačno o svakoj prijavi.

- S aplikantima čije su prijave prihvaćene, Ministarstvo zaključuje ugovore kojima će biti definirana međusobna prava i obaveze ugovornih strana, a poseban akcent će biti stavljen na dodijeljena finansijska sredstva, te nadzor nad utroškom sredstava.
- Aplikanti koji su zadovoljili uslove za potpisivanje ugovora o dodjeli sredstava dužni su cjelokupnu projektnu dokumentaciju dostaviti skeniranu na USB stiku.
- Aplikanti su prilikom pravdanja sredstava dužni uz štampani dokaz dostaviti cjelokupno finansijsko izvješće skenirano na USB stiku.
- **Transfer počinje s realizacijom danom otvaranja Javnog poziva a završava utroškom svih raspoloživih sredstava u 2026. godini.**